

OJK

CENTRALNA BANKA
BOSNE I HERCEGOVINE

Broj: 150-15-4-163-12/18 DM

Sarajevo, 05.05.2018. godine

Na osnovu člana 70. st. (1), (3) i (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, guverner Centralne banke Bosne i Hercegovine donosi,

ODLUKU

o izboru najpovoljnijeg ponuđača u postupku javne nabavke usluga – dogradnja platforme za elektronsko međubankarsko tržište novca – SPIDER platforme

Član 1.

Centralna banka Bosne i Hercegovine (u daljem tekstu: Centralna banka) dodjeljuje ugovor za nabavku usluga – dogradnja platforme za elektronsko međubankarsko tržište novca – SPIDER platforme, koja je provedena putem pregovaračkog postupka javne nabavke bez objave obavijesti o nabavci, ponuđaču TENFORE d.o.o. iz Banja Luke, u svemu prema konačnoj ponudi, broj: BL 18-I-062 od 23.02.2018. godine.

Član 2.

Ponuda ponuđača iz člana 1. ovog ugovora iznosi:

14.896,00 KM bez uračunatog PDV-a

(slovima: četrnaesthiljadaosamstodevedesetšest konvertibilnih maraka 00/100),

17.428,32 KM sa uračunatim PDV-om

(slovima: sedamnaesthiljadačetristodevedesetšest konvertibilnih maraka 32/100).

Član 3.

Centralna banka će, po sticanju uslova za zaključenje ugovora po osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor za čije se izvršenje zadužuje Odjeljenje za informacijske tehnologije Centralnog ureda Centralne banke Bosne i Hercegovine.

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za javne nabavke i Odjeljenje za platne sisteme.

Član 6.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavještenja o rezultatima postupka ponuđačima koji su sudjelovali u postupku javne nabavke, u skladu sa članom 70. stav 6. Zakona o javnim nabavkama.

Član 7.

Ova odluka stupa na snagu danom donošenja.

O b r a z l o ž e n j e

fm

Postupak javne nabavke usluga – dogradnja platforme za elektronsko međubankarsko tržište novca – SPIDER platforme, pokrenut je Odlukom, broj: 150-15-4-163-8/18 DM od 07.02.2017. godine. Shodno donesenoj odluci, Centralna banka je na web stranici objavila Tendersku dokumentaciju za nabavku usluga, dogradnja platforme za elektronsko međubankarsko tržište novca – SPIDER platforme, bez objave obavijesti o nabavci (Faza I, II i III), broj: 150-15-4-163-9-/18 od 14.02.2018. godine, nakon čega je poziv za sudjelovanje proslijeđen na adresu ponuditelja TENFORE d.o.o. Bulevar vojvode Živojina Mišića 15b, Banja Luka, u čijem prilogu je dostavljena i predmetna tenderska dokumentacija.

Navedeni ponuditelj je dostavio zahtjev za sudjelovanje i početnu ponudu dana 16.02.2018. godine. Nadležna komisija je dana 23.02.2018. godine pregledala zahtjev za sudjelovanje i početnu ponudu, navedenog ponuditelja.

Pregledavši zahtjev za sudjelovanje, te početnu ponudu u kojoj je navedena cijena za pružanje predmetne usluge u iznosu od 15.500,00 KM bez uračunatog PDV-a, nadležna komisija je ustanovila da je ponuditelj TENFORE d.o.o. kvalificiran, te da su ispunjeni preduvjeti za održavanje pregovora s ovim ponuditeljem. Imajući u vidu da je stigla samo jedna ponuda i to od strane navedenog ponuditelja, s istim su održani pregovori dana 23.02.2018. godine s početkom u 12:00 sati elektronskim putem. Nakon okončanje faze pregovaranja, nadležna komisija za provođenje ovog postupka je pozvala ponuđača TENFORE d.o.o. da dostavi konačnu ponudu.

Nakon završetka pregovora i dostavljanja konačne ponude, nadležna komisija je konstatirala da je ostvaren stanoviti popust u odnosu na početnu ponudu, te da konačna ponuda iznosi 14.896,00 KM bez uračunatog PDV-a. Nadležna komisija je o svim činjenicama vezanim za provođenje predmetnog postupka javne nabave sačinila Zapisnik o pregledu i ocjeni zahtjeva za učešće, početne i konačne ponude, broj: 149-15-4-680-6/18 od 02.03.2018. godine, te Izvještaj o radu komisije sa preporukom, broj: 149-15-4-680-7/18 od 02.03.2018. godine.

Cijeneći sve naprijed izneseno, a osobito stavove i preporuku nadležne komisije iznesene u navedenim zapisnicima, odlučeno je kao u dispozitivu ove odluke.

Pouka o pravnom lijeku:

Protiv ove odluke može se uložiti žalba u pisanoj formi, Centralnoj banci, u roku od 10 dana od dana prijema odluke o izboru najpovoljnijeg ponuđača.


GUVERNER
dr. Senad Softić

Dostaviti:

- Uredu guvernera
- Viceguvernerima
- Uredu glavnog internog revizora
- sekretaru Uprave i Upravnog vijeća
- predsjedniku komisije
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenje za platne sisteme
- Odjeljenju za ljudske resurse
- u spis predmeta (original)
- arhiva



